



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-148-6/24**

Datum: **26.09.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica „BAGS ENERGOTEHNIKA“ d.d. Vogošća za donošenje rješenja o vodnoj dozvoli za ispuštanje oborinskih onečišćenih voda sa lokaliteta za skladištenje tečnih naftnih derivata koji se koristi za potrebe rada kotlovskeg postrojenja izgrađenog u industrijskoj zoni općine Vogošća, u ulici Igmanska b.b., na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „BAGS ENERGOTEHNIKA“ d.d. Vogošća daje se vodna dozvola za ispuštanje oborinskih onečišćenih voda sa lokaliteta za skladištenje tečnih naftnih derivata koji se koristi za potrebe rada kotlovskeg postrojenja izgrađenog u industrijskoj zoni općine Vogošća.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na lokaciji objekta i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom projektnom dokumentacijom, koja je služila kao podloga za davanje ove vodne dozvole.
 - 3.2. Da se u periodu važenja ove vodne dozvole izvedu radovi po dostavljenoj projektnoj dokumentaciji „Projekat izvedenog stanja sa dopunom vanjskih hidroinstalacija“ broj: 74-IB-G/24 od VIII/2024. godine na vanjskom uređenju pretakališta u cilju kontrolisanog prikupljanja, tretmana i ispuštanja oborinskih onečišćenih voda sa prostora za skladištenje i pretakanje naftnih derivata.
 - 3.3. Korisnik poslovnog objekta za sve vrijeme trajanja ove vodne dozvole, mora obezbjediti da se oborinske onečišćene vode sa platoa kompleksa za skladištenje tečnih naftnih derivata, saobraćajnih i manipulativnih površina nesmetano prikupljaju sistemom slivnih rešetki i kanalizacione mreže te odvođe do uređaja za prečišćavanje oborinskih onečišćenih voda (taložnik, tipski separatora ulja i naftnih derivata), a zatim preko okna za monitoring ispuštaju u postojeće reviziono okno oborinske kanalizacije.
 - 3.4. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka efluenta iz kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.5. Korisnik poslovnog objekta je obavezan da izgrađene objekte (slivnici, rešetke, separator, taložnik), a čija svrha je odvođenje i prečišćavanje onečišćenih voda redovno održava i koristiti na način koji će obezbjediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.6. Da se skladištenje nafte i naftnih derivata vrši u nadzemnom rezervoaru ukupne zapremine 1000 m³.

- 3.7. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.8. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
 - 3.9. U skladu s propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu.
 - 3.10. Osigurati priručna sredstva za brzu intervenciju u slučaju nekontrolisanog istjecanja lož ulja, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Prilog 1, Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda tačka 22. tabele, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole, pravno lice, odnosno korisnik objekta je dužan provoditi sve mjere i aktivnosti propisane istom.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog objekta obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu sa pratećim sadržajima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 1 (jedne) godine, od dana pravosnažnosti ovog rješenja.
 10. Prije isteka važnosti ove vodne dozvole, Investitor, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Ministarstvo privrede Kantona Sarajevo obratila se po službenoj dužnosti ovoj Agenciji sa zahtjevom broj: 07-06-21-1615/24 od 14.03.2024. godine, zaprimljenim 22.03.2024. godine za donošenje rješenja o vodnoj dozvoli za ispuštanje oborinskih onečišćenih sa lokaliteta za skladištenje tečnih naftnih derivata koje se koristi za potrebe rada kotlovskog postrojenja izgrađenog u industrijskoj zoni općine Vogošća, u ulici Igmanska bb, općina Vogošća.

U provedenom postupku dostavljena je i pregledana slijedeća dokumentacija:

- Aktuelni izvod iz sudskog registra broj: 065-0- RegZ-24-003917 od 26.03.2024 godine, izdato od strane Općinskog suda u Sarajevu,
- Ovjerena kopija Uvjerenja o poreskoj registraciji izdatoj od Porezne uprave Kantonalni ured Sarajevo od 29.09.2003. godine,
- Uvjerenje o registraciji broj 04/1-1UPP/1-16451/07 od 06.09.2007.godine, Uprava za indirektno oporezivanje Banja Luka,
- Rješenje o vodnoj dozvoli za ispuštanje otpadnih voda broj: UP-I/25-3-40-451-3/21 od 19.10.2021. godine, izdato od strane „Agencije za vodno područje rijeke Save“ Sarajevo,
- Izvještaj o monitoringu kvaliteta otpadnih voda kotlovskog postrojenja „BAGS ENERGOTEHNIKA“ d.d. Vogošća broj: 420/21, urađen od strane «Inspekt-RGH» d.o.o. Sarajevo, mart 2021 godine,
- Rješenje o okolinskoj dozvoli broj: UPI 05/2-23-11-74/18 od 25.02.2019. godine izdato od strane Federalno ministarstvo okoliša i turizma,
- Zemljišnoknjižni izvadak broj: 476 od 07.04.2022. godine katastarska općina SP Gornja Vogošća izdat od strane Općinskog suda u Sarajevu,
- Kopija Ugovora o uređenju vlasničkih odnosa i odnosa o korištenju komunalne i druge infrastrukture u Industrijskom kompleksu Unis-Vogošća od 20.04.1999. godine zaključen između Unis-Pretis NIS d.o.o., Unis-Pretis d.o.o., Unis-UTL d.d. i Unis-Energotehnika d.d.,
- Šema tokova u kotlovnici,
- Kopija katastarskog plana broj plana 35 od 14.08.2009 godine izdata od strane Službe za geodetske poslove i katastar nekretnina, Vogošća,
- Glavni projekat odvodnje objekata M141/5, M141/II, M141/4 i postojećeg pretakališta za mazut, urađen od strane «UNIS Inženjering» Sarajevo, decembar 1985. godine,
- Glavni izvedbeni projekat-vodovod i kanalizacija za kotlovnici „UNIS“ Vogošća, 1985 godine, „Projekt“ RO za projektiranje, konzalting i nadzor, Zagreb,
- Projekat izvedenog stanja sa dopunom vanjskih hidroinstalacija broj: 74-IB-G/24, urađen od strane IBIS d.o.o. Zavidovići,
- Dokaz o uplaćenju upravnoj pristojbi.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 01.07.2024. godine izvršen uviđaj na predmetnoj lokaciji, o čemu je sačinjen Zapisnik broj: UP-1/21-3-40-148-4/24.

Na osnovu dostavljene dokumentacije uz predmetni zahtjev i izvršenom uviđaju na predmetnoj lokaciji, utvrđeno je slijedeće:

Lokacija kompleksa za skladištenje tečnih naftnih derivata koje se koristi za potrebe rada kotlovskog postrojenja pravnog lica „BAGS ENERGOTEHNIKA“ d.d. Vogošća nalazi se u industrijskoj zoni općine Vogošća, u ulici Igmanska b.b, na zemljištu označenom kao k.č 2751/65, 2751/66 i 2751/68 K.O. Vogošća, općina Vogošća.

Na lokalitetu kompleksa za skladištenje tečnih naftnih derivata nastaju oborinske onečišćene vode kao posljedica ispiranja onečišćenja oborinskih voda na pretakalištima za nadzemne rezervoare, na manipulativnim i saobraćajnim površinama.

Skladištenje nafte i naftnih derivata se vrši u nadzemnom rezervoaru ukupne zapremine 1000 m³ sa tankvanom odgovarajućeg prihvatnog kapaciteta.

Podnosilac zahtjeva je dužan, u periodu važenja ovog rješenja izvesti radove na vanjskom uređenju pretakališta u cilju kontrolisanog prikupljanja, tretmana i ispuštanja oborinskih onečišćenih voda sa prostora za skladištenje i pretakanje naftnih derivata a po dostavljenoj projektnoj dokumentaciji „Projekat izvedenog stanja sa dopunom vanjskih hidroinstalacija“ broj: 74-IB-G/24 od VIII/2024. godine.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu onšt...

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju objekta, u skladu sa odredbama članova 53. i 116. Zakona o vodama, odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije i odredbama člana 12. i 13. Pravilnika o sadržaju, obliku, uvjetima i načinu izdavanja i čuvanja vodnih akata, konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda, te je riješeno kao u dispozitivu ovog rješenja.

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih pristojbi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Meho Čaušević, B.Sc.ing.građ.

Prilog:

- Glavni projekat odvodnje objekata M141/5, M141/II, M141/4 i postojećeg pretakališta za mazut, urađen od strane «UNIS Inženjering» Sarajevo, decembar 1985. godine.
- Glavni izvedbeni projekat-vodovod i kanalizacija za kotlovnici „UNIS“ Vogošća, 1985 godine, „Projekt“ RO za projektiranje, konzalting i nadzor, Zagreb.
- Projekat izvedenog stanja sa dopunom vanjskih hidroinstalacija broj: 74-IB-G/24, urađen od strane IBIS d.o.o. Zavidovići.

Po ovlaštenju
Rukovodilac sektora za izdavanje vodnih akata



Nihad Pezo, dipl.inž.građ.

Dostaviti:

- „BAGS ENERGETEHIKA“ d.d. Vogošća, ul. Igmanska bb. Vogošća (Prilog)
- ⊙ AVP Sava, ISV-vodna knjiga,
- Sektor 50
- Sektor 40 – arhiva
- Oglasna ploča – AVP Sava